

象

明



圖

道藏輯要

心傳述證錄
象明圖

主

鬼集七
川三上

無極子曰象明者因日月之象而合之以成明因日月合明而體之以成易故懸象著明莫大乎日月日月之道貞明者也貞明者易之義也蓋日東月西則為明日上月下則為易陰陽變化特一旋轉運用之間耳故易之體用不膠于離南坎北之方位不睽于先天後天之推移隱顯融通一名而含三義其易之謂乎以交代而名則曰易所謂生生不窮是也以常體而名則曰不易所謂定位不移是也以改革而名則曰變易所謂變則必通是也易者其德也不易者其位也變易者其氣也以往來環轉之機律上下一中之理豈非日月相推而明生焉之謂乎